

## SAR SIK PALU DRAUBA HI TUKE FEDER?

Kada handjul adau hi duri pršica, haudjul šej zaru 2 ži 3 kurke. Ži anjidik sa u šubregi na žan sa auri.

Sadjek te haundjul pe sikaul hot saustjul!

Te fejest haundjul menge u barbi pijsinel mazalo.

Palu 24 uri pe natrumel buter te sikaul pri cipa phuknji vej šubregi.

Te handjul buter sar trijn kurke, papal site žas zu barbij.



Website: <http://www.hpa-nw.org.uk/>  
Cambridgeshire & Peterborough Scabies Guidance

## GARJE



## SO HI KADA HAUNDJUL?


Garje vej adau so haundjul hi nasvalipe savu pe šej kirin phiraul, sikaul pe pri cipa. Lek feder pe donde ležel kerauti kada suvas kauj hi u teštu tauto. Akur te lek feder haundjul. Kada erštimoj nasvajuvas kezdinel te haundjul i cipa zaru 4-6 kurke.

Adau nasvalipe pe lekbutervar kerel udoy kauj hi kovli cipa ( miškru plejci, pru va, khuni, čank, kirin pupa,...)

U šubregi hi baure sar kauša, feder lule, upral hi len rana.

Butvar hi le duj pru duj khetoun.

Kauj haruvas menge i cipa luli, te phuknjauli. Šubregi men anuri čhin butvar pru pre te pru va. Šoha pa na pru kulin vej dumo.



## SAR NASVAJUVAS?

**Nasvajuvas šej valakastar so hi le mauk adau nasvalipe te put sam leha teštoha khetoun.**

Te valakas prik rikeras vej das va, vej priku fouti nauštik nasvajuvas.

U pršici na uštjingeren te na urdjen, un plauzinen. Šej žijn zaru 24 ži 36 uri pri khereskru tape.

Adau nasvalipe na djerines duru melalipe. Sigeder len djerines kada hi but manuša khetoun (andi špita, škola, andu dom vašu phure,...)

## KO ŠEJ NASVAJUL?

Adau šej djerinel saku ko hi fejst khetau odoleha so hi le mauk adau nasvalipe.

**Kada valaku djerinel adau nasvalipe pe site sastjau-rel i cili familija te saku ko sinja khetau le nasvauleha, sadjek tena pumen leske sikaun u šubregi vej tena haundjun.**

**Adale nasvalipnaha šej nasvajul saku kauj hi adau nasvalipe pru cilu vilaugo.**

## SAR PE ADAU SASTJAUREL?

Site šunas le barbi sar menge phenel. U mazalo vej krema site furt maukhas pri šudri te šuki cipa. Šoha na palu thovibe.

Maukhas menge pru cilu teštu, zaru šero ži talpa. Obuk site das hot u mazilo na perel andu muj vej authja.

Te paladau sar menge maukhas thuvav amare va vej aur, menge site mejk djefkar maukhas.

I krema vej mazalo mukas pru teštu zaru 8 ži 24 uri, odvisno le draubestar, te erš akur men thovas. Augon šudre paunjaha te erš akur sapunjaha te tate paunjaha.

U futi te i postelina thuvav andu stroj vašu futi.